

Accto 96

শ্রী শ্রীগুরুগোরাঙ্গো জয়তঃ

শ্রীহরিনাম

(হরিনামের মাহাত্ম্য ও ব্যবহার)

৩৯৮ শ্রীচৈতন্যদে

কলিকাতা-হরিভক্তিপ্রদায়িনী সভায়

শ্রীল ঠাকুর ভক্তিবিনোদ-

প্রদত্ত ভাষণ

চতুর্থ সংস্করণ

শ্রীগৌড়ীয়-মঠ হইতে মহামহোপদেশক আচার্য্যাত্মিক

শ্রীকুঞ্জবিহারী বিজ্ঞাভূষণ ভক্তিশাস্ত্রিকর্তৃক

প্রকাশিত

শ্রীগৌড়ীয় প্রিন্টিং ওয়ার্কস্ যন্ত্রে

শ্রীঅনন্ত বাহুদেব ব্রহ্মচারী বিজ্ঞাভূষণ বি, এ,

কর্তৃক ৪৪৯ শ্রীচৈতন্যদে মুদ্রিত।

নিবেদন

হরে কৃষ্ণ হরে কৃষ্ণ কৃষ্ণ কৃষ্ণ হরে হরে ।

হরে রাম হরে রাম রাম রাম হরে হরে ॥

এই শ্লোক নাম বলি' লয় মহামন্ত্র ।

ষোল-নাম, বত্রিশ অক্ষর—এই তন্ত্র ॥

শ্রীচৈতন্যভাগবত আদি ১৪শ পং

শ্রীল ঠাকুর ভক্তিবিনোদ ষোড়াসাঁকো কলিকাতা শ্রীহরিভক্তি-
প্রদায়িনী সভায় পঞ্চাশবর্ষ পূর্বে এই নিবন্ধ কীর্তন করেন । বক্তৃতাটি
বঙ্গাব্দ ১২২১ সালে প্রথমে মুদ্রিত হয় । পরে শ্রীনামহট-পদ্য-কালে
১৮৯০ খৃষ্টাব্দে ইহার দ্বিতীয় সংস্করণ বিশ্ববৈষ্ণবকল্যাণবীর ঙ্গ-বিশেষ
বলিয়া প্রকাশিত হয় । ৪৪৭ গৌরব্দে ইহার ৩য় সংস্করণ মুদ্রিত হয় ।
এক্ষণে ইহার ৪র্থ সংস্করণ প্রকাশিত হইল ।

শ্রীকৃষ্ণবিহারী বিদ্যাভূষণ

শ্রীগৌড়ীয় মঠ, বাগবাড়ার কলিকাতা ।

শ্রীশ্রীমতে চৈতন্যদেবায় নমঃ

শ্রীহরিনাম

পরমেশ্বরের কৃপা-ব্যতীত এই হস্তর ভব-সমুদ্র পার হইবার অত্র উপায় নাই। জড় হইতে শ্রেষ্ঠ হইলেও জীব স্বভাবতঃ দুর্বল ও পরাধীন। একমাত্র ভগবান্‌ই জীবের নিয়ন্তা, পাতা ও ত্রাতা। জীব অণুচৈতন্য, অতএব পরমচৈতন্যের অধীন ও সেবক। পরমচৈতন্যরূপ ভগবান্‌ই জীবের আশ্রয়। এই জড়জগৎ মায়া-নির্মিত। জড়জগতে জীবের অবস্থিতি কেবল দণ্ড্যজনের কারাবাস। ভগবদ্বৈমুখ্যবশতঃ জীবের মায়া-সংশ্রব। ভগবৎসামুখ্য-ব্যতীত জীবের মায়া হইতে উদ্ধারের উপায়ান্তর নাই। ভগবদ্বহিস্মুখ জীবই মায়াবদ্ধ। ভগবদভুগত জীবই মুক্ত।

বদ্ধজীবগণ সাধনক্রমে ভগবৎকৃপা লাভ করিলে মায়ার সুদৃঢ়-রজ্জু ছেদন করিতে সমর্থ হন। মহাধিগণ অনেক বিচার করিয়া তিন-প্রকার সাধান্নির্ণয় করিয়াছেন অর্থাৎ কর্ম, জ্ঞান ও ভক্তি।

বর্ণাশ্রমধর্ম, যজ্ঞ, তপস্যা, দান, ব্রত ইত্যাদি নানাবিধ কর্মাদি শাস্ত্রে উল্লিখিত আছে। এসমস্ত কর্মের ভিন্ন ভিন্ন ফল সেই-সমুদয় শাস্ত্রে কথিত হইয়াছে। ফলগুলি পৃথক করিয়া বিচার করিলে দেখা যায় যে, স্বর্গভোগ, মর্ত্যসুখভোগ, সামর্থ্য, রোগশাস্তি ও উচ্চকার্যে অবকাশ,—ইহারাই প্রধান ফল। উচ্চকার্যের অবকাশরূপ ফলটিকে পৃথক করিলে আর সমস্ত ফলই মায়িক বলিয়া প্রতীত হইবে। স্বর্গভোগ, মর্ত্যসুখভোগ, ঐশ্বর্যাদি সামর্থ্য—যাহা কর্মদ্বারা জীব লাভ করে, সেই-সমুদয় নশ্বর। ভগবানের কালক্রমে সমুদয়ই বিনষ্ট হইয়া যায়। সেইসকল ফলদ্বারা মায়াবদ্ধের বিনাশ হওয়া দূরে থাকুক, তাহা কালক্রমে বাসনাযোগে আরও দৃঢ় হইতে থাকে। যদি উচ্চকার্য বাস্তবিক করা না হয়, তবে উচ্চকার্যের অবকাশরূপ ফলটিও নিরর্থক হইয়া উঠে; যথা ভাগবতে,—

“ধর্মঃ স্বহৃদ্বিতঃ পুংসাং বিশ্বক্‌সেনকথাস্থ যঃ ।

নোৎপাদয়েদ্যদি রতিং শ্রম এব হি কেবলম্ ॥”

বর্ণাশ্রমরূপ ধর্মের মূল তাৎপর্য এই যে, স্বভাব-অনুসারে সাংসারিক ও শারীরিক কষ্টের বিভাগ-দ্বারা অনায়াসে মানবের সংসার ও শরীরযাত্রা-নির্বাহ হইবে ; তাহা হইলে হরিকথা-আলোচনার অনেক অবকাশ-লাভ হইবে । যদি কোন ব্যক্তি উত্তমরূপে বর্ণাশ্রমধর্ম অনুষ্ঠান করিয়াও হরিচর্চার দ্বারা হরিকথায় রতি না লাভ করেন, তবে তাঁহার ধর্মোন্নয়ন-কার্য্যটি কেবল পরিশ্রম-মাত্র । কর্ম-দ্বারা নিশ্চয়রূপে ভবসিন্ধু পার হওয়া যায় না, ইহা সংক্ষেপে বলিলাম ।

জ্ঞানচর্চা জীবের উচ্চগতি-লাভের সাধনরূপে বর্ণিত হইয়াছে । জ্ঞানের ফল—আত্মশুদ্ধি । আত্মা যে জড়াতীত বস্তু, তাহা বিম্বিত হওয়ায় জীব জড়োদ্ভূত হইয়া কর্মমার্গে ভ্রমণ করিতেছেন । জ্ঞান-চর্চার দ্বারা অবগত হওয়া যায় যে,—‘আমি জড় নই, চিদ্বস্তু ।’ এক্ষণে জ্ঞান স্বভাবতঃ “নৈকর্ম্য্য”-নামে অভিহিত হয় ; যেহেতু চিদ্বস্তুর নিত্যধর্ম যে চিদাস্বাদন, তাহা তাহাতে আরম্ভ হয় না । এই অবস্থার ব্যক্তি আত্মারাম । কিন্তু যখন চিদাস্বাদনরূপা চিত্তক্রিয়া আরম্ভ হয়, তখন আর নৈকর্ম্য্য থাকে না । এইজন্য নারদ বলিয়াছেন যে—

“নৈকর্ম্য্যমপ্যচ্যুতভাববজ্জিতং

ন শোভতে জ্ঞানমলং নিরঞ্জনম্ ॥”

—নৈকর্ম্য্যরূপ নিরঞ্জন জ্ঞান যে পর্য্যন্ত অচ্যুতভাব-বিহীন থাকে, সে পর্য্যন্ত তাহার শোভা নাই ।

যদি বল, তবে কি হয় ? অতএব ভাগবতে কথিত হইয়াছে,—

“আত্মারামাশ্চ মুনয়ো নিগ্রহা অপ্যরুক্রমে ।

কুর্কস্ত্যাহৈতুকীং ভক্তিমিখন্তুতগুণো হরিঃ ॥”

পরমচৈতন্য হরিতে এমনত একটি অসাধারণ গুণ আছে যে, তাহা

সমস্ত জড়মুক্ত আত্মারামগণকে আকর্ষণ করিয়া স্বীয় ভক্তিরূপ কার্যে নিযুক্ত করে।

অতএব কর্ম সদবকাশ প্রদানপূর্বক এবং জ্ঞান স্বীয় নৈকর্ম্য-স্বরূপ পরিত্যাগপূর্বক যখন ভক্তিসাধন করাইতে নিযুক্ত হয়, তখনই কর্ম ও জ্ঞানকে সাধনাপ্র বলা যায়। তাহাদের নিজের কোন সাধনাত্মতা স্বীকৃত হয় নাই। এইজন্ত ভক্তিকেই সাধন বলা হইয়াছে। কর্ম ও জ্ঞান ভক্তির আশ্রয়ে কোন কোন সময়ে সাধন হয়; কিন্তু ভক্তি স্বভাবতঃই সাধনরূপা; যথা একাদশে—

“ন সাধ্যয়তি মাং যোগো ন সাংখ্যং ধর্ম উক্তব।

ন স্বাধ্যায়ন্তপস্ত্যাগো যথা ভক্তির্মমোর্জিতা ॥”

হে উক্তব, কর্মযোগ, সাংখ্যযোগ, বর্ণাশ্রমধর্ম, বেদপাঠ, তপস্তা বা বৈরাগ্য আমাকে প্রসন্ন করিতে পারে না; কিন্তু তীব্রভক্তিই কেবল আমাকে প্রসন্ন করিতে পারে।

ভগবানের প্রসন্নতা লাভ করিবার কারণ ভক্তি-ব্যতীত আর কিছুই নাই। সাধনভক্তি—শ্রবণ-কীর্তনাদি নববিধ। তন্মধ্যে শ্রবণ, কীর্তন ও স্মরণই প্রধান সাধনাত্মক। ভগবানের নাম, রূপ, গুণ ও লীলা—এই চারিটি বিষয়েরই শ্রবণ, কীর্তন ও স্মরণ হয়। তন্মধ্যে নামই আদি ও সর্ববীজস্বরূপ। অতএব হরিনামই সকল উপাসনার মূল। এতন্নিবন্ধন শাস্ত্রে কথিত হইয়াছে,—

“হরেনাম হরেনাম হরেনামৈব কেবলম্।

কলৌ নাস্ত্যেব নাস্ত্যেব নাস্ত্যেব গতিরন্তথা ॥”

কলিকালে হরিনাম-ব্যতীত জীবের অগ্র গতি নাই। ‘কলিকাল’ শব্দ-দ্বারা এই বুঝিতে হইবে যে, সর্বকালেই হরিনাম-ব্যতীত জীবের গতি নাই। বিশেষতঃ কলিকালের অগ্রমস্ত্রাদি-সাধন দূরহ হওয়ায় কেবল হরিনামই একমাত্র অবলম্বনীয়, যেহেতু হরিনাম সর্বাপেক্ষা বীর্ঘ্যবান।

হরিনাম যে কি পদার্থ, তাহা পদ্মপুরাণে এইরূপ লিখিত হইয়াছে,—

“নাম চিন্তামণিঃ কৃষ্ণশ্চৈতন্যরসবিগ্রহঃ ।

পূর্ণঃ শুদ্ধো নিত্যমুক্তোহভিন্নদ্বাদ্ব্যামনামিনোঃ ॥”

এই শ্লোকের ব্যাখ্যায় শ্রীল জীবগোস্বামী লিখিয়াছেন,—“একমেব সচ্চিদানন্দরসাদিরূপং তত্ত্বং ত্রিধাবিভূতমিত্যর্থঃ ।” শ্রীকৃষ্ণতত্ত্ব অদ্বয় সচ্চিদানন্দস্বরূপ । তাঁহার দুইপ্রকার আবির্ভাব অর্থাৎ ‘নামি’রূপে শ্রীকৃষ্ণবিগ্রহ ও ‘নাম’রূপে শ্রীকৃষ্ণনাম । ইহার মূলতত্ত্ব এই যে, শ্রীকৃষ্ণ সর্বশক্তিমান্ । শক্তিমান্ যে পুরুষ, তাঁহার সমস্ত প্রকাশই তাঁহার শক্তিপ্রকাশ-মাত্র । শক্তিই তাঁহার আধাররূপ পুরুষকে অগ্নের নিকট প্রকাশ করেন । শক্তির ‘দর্শন’-প্রভাব-দ্বারা কৃষ্ণ-রূপ প্রকাশিত হয় এবং ‘আহ্বয়’-প্রভাব-দ্বারা কৃষ্ণনাম বিজ্ঞাপিত হয় । অতএব কৃষ্ণনাম—চিন্তা-মণিস্বরূপ, কৃষ্ণস্বরূপ ও চৈতন্যরসবিগ্রহ-স্বরূপ । শ্রীনাম সর্বদা পূর্ণস্বরূপ অর্থাৎ তাহাতে বিভক্তি-যোগ-দ্বারা “কৃষ্ণায়”, “নারায়ণায়” ইত্যাদি-মন্ত্রাদির নির্মাণ অপেক্ষা করে না । কৃষ্ণনাম বলিবামাত্র কৃষ্ণরস চিৎ-তত্ত্বে সইসা উদ্ভিত হয় । নাম সর্বদা বিশুদ্ধ অর্থাৎ জড়ীয় অক্ষরাদির ত্রায় জড়াত্ম্য নয় । নাম কেবল-চৈতন্যরস-মাত্র । নামসর্বদাই মুক্ত, অতএব নিত্য-মুক্ত ; কখনই জড় হইতে উদ্ধৃত হয় নাই । যাহারা নামরস পান করিয়াছেন, তাঁহারাষ্ট কেবল এই ব্যাখ্যা বুঝিতে সমর্থ । যাহারা নামে জড়ত্ব আরোপ করেন, স্বয়ং নামের চৈতন্যরসাস্বাদনে অক্ষম, তাঁহারা এই ব্যাখ্যা-শ্রবণে প্রীতি লাভ করিতে পারিবেন না । যদি বল যে, ‘সর্বদাই আমরা’ যে-নাম উচ্চারণ করি, তাহা জড়ীয় অক্ষর আশ্রয় করিয়া থাকে; এইরূপে নামকে জড়জাত বস্তু বলিতে হইবে, ইহাকে নিত্যমুক্ত বলিতে পারি না’। এই বহিঃস্পৃহ তর্কের নিরাসকরণাভি প্রায়ে শ্রীকৃষ্ণগোস্বামী লিখিয়াছেন,—

“অতঃ শ্রীকৃষ্ণনামাদি ন ভবেদ্গ্রাহ্যমিন্দ্রিয়ৈঃ ।

সেবোন্মুখে হি জিহ্বাদৌ স্বয়মেব ক্ষুরত্যাগঃ ॥”

প্রাকৃত বস্তুই ইন্দ্রিয়গ্রাহ্য। কৃষ্ণনামাদি অপ্রাকৃত, তাহা কখনই ইন্দ্রিয়গ্রাহ্য নহে। তবে যে, নাম জিহ্বাতে প্রকাশিত হয়, সে কেবল আত্মার অপ্রাকৃত আনন্দ, তত্ত্বদুপযোগি ইন্দ্রিয়ে স্মৃতিমাত্র। ভক্ত যে-সময় আত্মার অপ্রাকৃত জিহ্বায় কৃষ্ণনাম উচ্চারণ করেন, তখন ঐ উচ্চারিত পরমতত্ত্ব প্রাকৃত জিহ্বায় আবির্ভূত হইয়া নৃত্য করিতে থাকেন। আনন্দ-দ্বারা হাস্য, স্নেহ-দ্বারা ক্রন্দন, প্রীতি-দ্বারা নৃত্য যেসকল প্রাকৃত রসে—ইন্দ্রিয়-পর্যাস্ত ব্যাপ্ত, তদ্রূপ অপ্রাকৃত-রসে জিহ্বা-পর্যাস্ত কৃষ্ণনাম-রসের ব্যাপ্তিই হইয়া থাকে। প্রাকৃত জিহ্বায় কৃষ্ণনামের জন্ম হয় না। সাধনকালে যে নামের অভ্যাস, তাহা বাস্তবিক নাম নয়, তাহাকে নামাভাস বলা যায়। নামাভাসে জীবের ক্রমোন্নতিবিধিক্রমে অনেক স্থলে অপ্রাকৃত নামে রুচি হইয়াছে। বান্ধাকি ও অজামিলের জীবন-চরিত্র আভ্যোচনা করিলে ইহা জ্ঞাত হওয়া যাইবে।

জীবের অপরাধক্রমে নামে রুচি হয় না। অপরাধশূন্য হইয়া যিনি কৃষ্ণনাম গ্রহণ করেন, তাঁহার হৃদয়ে চৈতন্যরসবিগ্রহরূপ অপ্রাকৃত হরিনামের উদয় হয়। অপ্রাকৃত-নামোদয় হইলে হৃদয় উৎফুল্ল হইয়া চক্ষে জলধারা ও দেহে সাস্থিকবিকার প্রতীয়মান হইয়া থাকে। অতএব ভাগবতে এইরূপ কথিত হইয়াছে,—

“তদগ্নিসারং হৃদয়ং বতেদং যদগ্হমানেইরিনামধেয়ৈঃ।

ন বিক্রিয়েতাথ যদা বিকারো নেত্রে জলং গাত্ররূহেষু হর্ষঃ॥”

জীব যখন হরিনাম গ্রহণ করেন, তখন তাঁহার হৃদয় অবশ্য বিকৃত (সাস্থিকবিকারযুক্ত) হইবে, নেত্রে জলধারা বাহির হইবে এবং রোমাঞ্চ হইবে। যিনি কৃষ্ণনাম উচ্চারণ করিয়াও এরূপ বিকার লাভ না করেন তাঁহারহৃদয় অপরাধ-দ্বারা অত্যন্ত কঠিন হইয়াছে।

নিরপরাধে হরিনাম গ্রহণ করা সাধকের নিত্য কৰ্ত্তব্য। অতএব অপরাধ বর্জন করিতে গেলে অপরাধকত প্রকার, তাহা জানা আবশ্যক।

হরিনাম-সম্বন্ধে দশপ্রকার অপরাধ শাস্ত্রে উল্লিখিত আছে, যথা—(১) সাধুনিন্দা, (২) ভগবান্ হইতে শিবাদি দেবতাকে স্বতন্ত্রভগবদ্বুদ্ধি, (৩) গুরুবজ্ঞা, (৪) সচ্ছাত্র-নিন্দা, (৫) হরিনামের মহিমাকে প্রশংসা বলিয়া স্থিরীকরণ, (৬) হরিনামে প্রকারান্তরে অর্থকল্পন, (৭) নামবলে পাপাচরণ, (৮) অন্ত গুণকর্মের সহিত নামের সাম্যজ্ঞান, (৯) অশ্রদ্ধাধান ব্যক্তির প্রতি হরিনামোপদেশ, (১০) নামের মাহাত্ম্য শ্রবণ করিয়াও তাহাতে অবিশ্বাস।

সাধুভক্তগণের প্রতি অশ্রদ্ধা-প্রকাশ ও সাধুচরিত্র মহাজনগণের নিন্দা করিলে হরিনামের প্রতি অপরাধ হয়। অতএব যিনি নাম আশ্রয় করিবেন, তাহার বৈষ্ণব-অবজ্ঞা-প্রবৃত্তি সর্বতোভাবে ত্যাজ্য। বৈষ্ণবদিগের কার্যের প্রতি সন্দেহ হইলে সহসা তাহাদের নিন্দা না করিয়া তাহার তাৎপর্য অমুসন্ধান করিবেন। অতএব সাধুদিগের প্রতি শ্রদ্ধা করাই নিতান্ত আবশ্যক।

ভগবান্ হইতে শিবাদি দেবতাকে ভিন্ন জ্ঞান করা একটি হরিনামাপরাধের মধ্যে গণ্য হইয়াছে। ভগবত্ত্ব এক ও অদ্বিতীয়। ভগবান্ বিষ্ণু হইতে শিবাদি দেবতার স্বতন্ত্র সত্তা নাই। শিবাদি দেবতাগণকে ভগবানের গুণাবতার অথবা ভগবত্ত্ব বলিয়া সম্মানন করিলে আর ভেদ-জ্ঞান থাকে না। যাহারা মহাদেবকে একটি পৃথক্ দেবতা বলিয়া শিব ও বিষ্ণুপূজা করেন, তাহারা মহাদেবের ভগবত্ত্ব স্বীকার করেন না। তাহাতে তাহারা বিষ্ণু ও শিব, উভয়ের প্রতি অপরাধী হন। যাহারা হরিনাম আশ্রয় করেন, তাহাদের সেরূপ ভেদজ্ঞানকে প্রকৃষ্টরূপে ত্যাগ করা কর্তব্য।

গুরুবজ্ঞা একটি নামাপরাধ। যাহা হইতে ভগবত্ত্ব অবগত হওয়া যায়, তিনি আচার্য্যরূপী ভগবান্। তাহাকে দৃঢ় ভক্তি করিয়া হরিনামে অচলা শ্রদ্ধা লাভ করা কর্তব্য।

সচ্ছাত্রনিন্দন-কার্যটি অবশ্য-পরিত্যাজ্য। অনাদি বেদশাস্ত্র ও তদনুগত স্মৃতিশাস্ত্র—যাহাতে ভাগবতধর্ম জ্ঞান যায়, সেই শাস্ত্রকে নিন্দা করিলে

হরিনামাপরাধ হয়। বেদাদি শাস্ত্রে সর্বত্রই হরিনামের মাহাত্ম্য কীর্তিত হইয়াছে; যথা—

“বেদে রামায়ণে চৈব পুরাণে ভারতে তথা।

আদ্যাবন্তে চ মধ্যো চ হরিঃ সর্বত্র গীয়তে ॥”

এবংবিধ সচ্ছাস্ত্র নিন্দা করিলে হরিনামে কিরূপে রতি হইবে? অনেকে মনে করেন যে, বেদাদি শাস্ত্রে হরিনামের যে মাহাত্ম্য কীর্তিত হইয়াছে, তাহা নামের প্রশংসা মাত্র। ঐহাদের একরূপ বুদ্ধি, তাঁহারা নামাপরাধী; তাঁহাদের হরিনামে (?) ফলোদয় হয় না। অগাধ কৰ্ম্মকাণ্ডে যেরূপ কুচি উৎপাদনের জন্ত ফলশ্রুতি কথিত হইয়াছে, হরিনামের ফলশ্রুতিকে ঐহারা তদ্রূপ মনে করেন, তাঁহারা অতিশয় দুর্ভাগ্য। ঐহারা সৌভাগ্যবান, তাঁহারা এইরূপ (অর্থবাদ) বিশ্বাস করেন না।

“এতন্নির্কিঞ্চমানানামিচ্ছতামকুতোভয়ম্।

যোগিনাং নৃপ নির্ণীতং হরেণামানুকীৰ্ত্তনম্ ॥”

নির্কিঞ্চমান, অকুতোভয়ের অভিলাষী যোগীদিগের পক্ষে হরিনাম-কীর্তনই একমাত্র কর্তব্য নির্ণীত হইয়াছে,—একরূপ ঐহাদের বিশ্বাস, তাঁহাদের হরিনামে ফলোদয় হয়।

নামাভাস ও নামের ভেদ না বুঝিয়া অনেকে মনে করেন যে, নাম অক্ষরময়, অতএব শ্রদ্ধা না করিয়া নামাদি গ্রহণ করিলেও ফল হইবে। তাঁহারা অজামিলের ইতিহাস ও “সাক্ষ্যেণ পারিহাস্যং বা” ইত্যাদি শাস্ত্র-বচনের উদাহরণ দেন। পূর্বেই কথিত হইয়াছে যে, নাম—চৈতন্য-রসবিগ্রহ, ইন্দ্রিয়গ্রাহ্য নহেন। সে-স্থলে নিরপরাধে নামরস আশ্রয় না করিলে নামের ফলোদয় সম্ভব হয় না। শ্রদ্ধাবিহীন লোকের শ্রীনাম উচ্চারণ করার ফল এই যে, পরে সশ্রদ্ধ নাম হইতে পারে। অতএব ছুটরূপে অর্থবাদ করিয়া নামকে জড়াত্মক অক্ষরস্বরূপ-জ্ঞানে ঐহারা

কর্মকাণ্ডের অঙ্গ বলিয়া ব্যাখ্যা করেন, তাঁহারা নিতান্ত বহিষ্কৃত ও নামাপরাধী। বৈষ্ণবজনগণ ঐ নামাপরাধ যত্নপূর্ব্বক বর্জন করিবেন।

অনেকে হরিনাম আশ্রয় করিয়া মনে করেন যে 'আমরা সমস্ত পাপব্যাধির একটি ঔষধ লাভ করিয়াছি'। সেই বিশ্বাসের সহিত তাঁহারা প্রবঞ্চনা মিথ্যাবচন, লাম্পাট্য ইত্যাদি পাপ আচরণ করিয়া পুনরায় হরিনাম উচ্চারণ-পূর্ব্বক ঐসমস্ত পাপ ক্ষালন করিতে চেষ্টা করেন। ঐসকল ব্যক্তি নামাপরাধী। যিনি নাম আশ্রয় করেন, তিনি চিদ্রসের আশ্বাদন করিয়া আর জড়ীয় অঙ্গদ্বস্ততে আসক্তি করেন না। তাঁহার দ্বারা পাপাচরণ সম্ভব নয়। পুনঃ পুনঃ পাপ করিয়া নাম গ্রহণ করা কেবল শাঠ্যমাত্র। এই অপরাধটি অত্যন্ত গুরুতর, সর্বদা পরিহার্য।

অনেকে মনে করেন যে, 'যজ্ঞাদি কর্ম, দানাদি ধর্ম, তীর্থ-যাত্রাদি চেষ্টাসকল যেরূপ শুভকর, নামও তদ্রূপ।' যাহাদের এরূপ বুদ্ধি, তাঁহারা নামাপরাধী। নাম সর্বদাই চিদ্রস-স্বরূপ। অত্যাঁ সমস্ত সংকর্ষই জড়ময়; অতএব উহারা নাম হইতে বিজাতীয়। যাহারা নামের সহিত ঐসকল শুভকর্মের সাম্য বিবেচনা করেন, তাঁহারা প্রকৃত নামরস আশ্বাদন করেন না। "হীরক ও কাচে যেরূপ ভেদ, হরিনাম ও অত্যাঁ শুভকর্মে তদ্রূপ বস্তুগত ভেদ আছে।

যিনি অশ্রদ্ধাধান ব্যক্তির প্রতি হরিনাম উপদেশ করেন, তিনি নামাপরাধী। শূকরকে মুক্তাফল দিলে যেমন কোন কাণ্য হয় না, কেবল মুক্তাফলের অবমাননাই হয়, তদ্রূপ নামের প্রতি যাহাদের উপযুক্ত শ্রদ্ধা উদিত হয় না, তাঁহাদিগকে নাম উপদেশ করা নিতান্ত অত্যাঁ। অত্যাঁ জীবের যাহাতে হরিনামে শ্রদ্ধা হয়, তাহাই করা কর্তব্য। শ্রদ্ধা হইলে নাম উপদেশ করিবে। যে-সকল লোক আপনাদিগকে গুরু অভিমান করত অপাত্রে হরিনাম উপদেশ করেন, তাঁহারা নামাপরাধ-ক্রমে অধঃপতিত হন। নামের মাহাত্ম্য শ্রবণ করিয়াও যাহারা তাঁহাতে

ঐকান্তিকী শ্রদ্ধা না করিয়া অত্যাগ সাধনোপায়রূপ কর্ম-জ্ঞানের আশ্রয়
তাগ না করেন, তাঁহারাও নামাপরাধী।

এবং দশপ্রকার নামাপরাধ বর্জন করিতে না পারিলে হরিনাম
উদিত হয় না। বর্জনমাত্রই নামাভাস হইয়া থাকে। নামাভাসে পাপক্ষয়
হয়, পাপক্ষয় হইলে শ্রদ্ধা হয়, শ্রদ্ধা হইলে ষথার্থ নামরসের উদয় হয়।
এইজন্ত শাস্ত্রে নামাভাসেরও মাহাত্ম্য কীর্তিত হইয়াছে।

কলিজন-নিস্তারক শ্রীশ্রীমহাপ্রভু চৈতন্যদেব জগজ্জীবের নানাবিধ
ক্লেশ দেখিয়া দয়াদ্রুচিত্তে এইরূপ উপদেশ করিয়াছেন—

“তৃণাদপি স্তনীচেন তরোরপি সহিসুনা।

অমানিনা মানদেন কীর্তনীয়ঃ সদা হরিঃ ॥”

তৃণাপেক্ষা আপনাকে সামান্য জ্ঞান করিয়া এবং বৃক্ষের গ্ৰায় সহিসু
হইয়া স্বয়ং অভিমানশূন্য ও অপরকে সম্মান করত জীব হরিনাম-
কীর্তনের অধিকারী হন। অপরাধশূন্য হইয়া হরিনাম-গ্রহণের ব্যবস্থাই
এই বচনের মুখ্য তাৎপর্য। যিনি আপনাকে সর্বাপেক্ষা হীন জ্ঞান
করেন, তিনি কখনই সাধুনিন্দা করেন না, শিবাদি দেবতাকে ভেদ-
বুদ্ধির দ্বারা অবমাননা করেন না, গুরু প্রতি কোনপ্রকার অবজ্ঞা
করেন না, সচ্ছাস্ত্রের নিন্দা করেন না, হরিনামের মাহাত্ম্যকে ষথার্থ
বলিয়া জানেন, হরিনামে অর্থবাদ করেন না অর্থাৎ শুদ্ধজ্ঞানজনিত
তর্ক-দ্বারা হরি-শব্দে নিগুণব্রহ্মবাদের কল্পনা করেন না, নামবলে
পাপ আচরণ করেন না, অত্যাগ সংকল্পের সহিত হরিনামের সমানতা
স্থাপন করেন না, অশ্রদ্ধাধান ব্যক্তিকে হরিনাম দিয়া নামের প্রতি
উপহাস উৎপত্তি করেন না এবং নামে কিছুমাত্র অবিশ্বাস করেন না।
তিনি স্বভাবতঃ এই দশটি নামাপরাধ বর্জন করিয়া থাকেন। কেহ
তাঁহাকে উপহাস করিলে বা তাঁহার অপকার করিলেও তিনি তাহার
উপকার করিতে বিমুখ হন না। তিনি জগতের সমস্ত কার্য করিতে

করিতেও স্বয়ং কর্তা বা ভোক্তা বলিয়া কোনপ্রকার অভিমান করেন না। তিনি আপনাকে জগতের দাস জানিয়া সর্বদা জগতের সেবায় ব্রতী হন।

এবংবিধ অধিকারী ব্যক্তির মুখে যখন হরিনাম উচ্চারিত হন, তখন (সেই নাম) অন্তঃস্থিত চিজ্জগৎ হইতে বিজ্ঞাদগ্নির ত্রায় চিত্তফলকে ব্যাপ্ত হইয়া জগজ্জীবের মায়াবিকাররূপ অন্ধকার শাস্তি করিয়া থাকেন। অতএব হে মহাঅগণ! আপনারা অপরাধশূন্য হইয়া সর্বদা হরিনাম গ্রহণ করুন। হরিনাম-ব্যতীত জীবের অণু সম্বল নাই। হরিনাম-ব্যতীত জীবের আশ্রয় নাই। এই দুস্তর ভবসমুদ্রে ভাসমান হইয়া জ্ঞান-কর্মাদির আশ্রয়গ্রহণ—কেবল তৃণধারণ-পূর্বক মহাসাগর উত্তীর্ণ হওয়ার বাজার ত্রায় নিতান্ত নিরর্থক। হরিনামরূপ মহাপোত অবলম্বন-পূর্বক এই দুস্তর সমুদ্র পার হউন।

শ্রীকৃষ্ণার্ণবমস্ত।

জয় জয় হরিনাম, চিদানন্দামৃতধাম,
 পরতত্ত্ব অক্ষর-আকার ।
 নিজগুণে কৃপা করি' নামরূপে অবতারি'
 জীবে দয়া করিলে অপার ॥
 জয়হরি-কৃষ্ণনাম, জগজন-স্ববিশ্রাম,
 সর্বজন-মানস-রঞ্জন ।
 মুনিবৃন্দ নিরন্তর যে নামের সমাদর
 করি' গায় ভরিয়া বদন ॥
 ওহে কৃষ্ণনামাকর, তুমি সর্বশক্তিধর,
 জীবের কল্যাণ-বিতরণে ।
 তোমা বিনা ভবসিদ্ধি উদ্ধারিতে নাহি বন্ধু,
 আসিয়াছ জীব-উদ্ধারণে ॥
 আছে তাপ জীবে যত, তুমি সব কর হত,
 হেলায় তোমারে একবার ।
 ডাকে যদি কোন জন, হ'য়ে দীন অকিঞ্চন,
 নাহি দেখি' অশ্রু প্রতিকার ॥
 তব স্বল্প স্তুতি পায়, উগ্রতাপ দূরে যায়,
 লিঙ্গ-ভঙ্গ হয় অনায়াসে ।
 ভকতিবিনোদ কয় জয় হরিনাম জয়,
 প'ড়ে থাকি তুষা-পদ-আশে ॥

নারদ মুনি বাজায় বীণা
রাধিকারমণ-নামে ।

নাম অমনি উদিত হয়
ভক্ত-গীত সামে ॥

অমিয়-ধারা বরিষে ঘন
শ্রবণ-যুগলে গিয়া ।

ভক্ত জন সঘনে নাচে
ভরিয়া আপন হিয়া ॥

মাধুরী-পুর আসব পশি'
মাতায় জগত-জনে ।

কেহ বা কাঁদে, কেহ বা নাচে,
কেহ মাতে মনে মনে ॥

পঞ্চবদন, নারদে ধরি'
প্রেমের সঘন রোল ।

কমলাসন নাচিয়া বলে,
“বোল, বোল, হরি বোল” ॥

সহস্রানন পরম স্থখে
‘হরি হরি’ বলি’ গায় ।

নাম-প্রভাবে মাতিল বিশ্ব,
নাম-রস সবে পায় ॥

শ্রীকৃষ্ণনাম, রসনে স্ফ,রি'
পুরালে আমার আশ ।

শ্রীরূপ-পদে যাচরে ইহা
ভক্তিবিনোদ দাস ॥

“অসাধু-সঙ্গে ভাই কৃষ্ণনাম নাহি হয় ।

নামাক্ষর বাহিরায় বটে, (তবু) নাম কভু নয় ॥

কভু নামাভাস হয়, সদা নাম-অপরাধ ।

এ সব জানিবে ভাই, কৃষ্ণ-ভক্তির বাধ ॥

যদি করিবে কৃষ্ণনাম, সাধুসঙ্গ কর ।

ভুক্তি-মুক্তি-সিদ্ধি-বাঞ্ছা দূরে পরিহার ॥

‘দশ অপরাধ’ ত্যজ, মান-অপমান ।

অনাসক্ত্য বিষয়-ভৃঞ্জ, লহ কৃষ্ণনাম ॥

কৃষ্ণভক্তির অনুকূল করহ স্বীকার ।

কৃষ্ণভক্তির প্রতিকূল কর পরিহার ॥

কৃষ্ণ আমায় পালে, রাখে, জ্ঞান সর্বকাল ।

আত্মনিবেদন-দৈন্ত্রে ঘুচাই জঞ্জাল ॥

গৌর যে শিখাল নাম, সেই নাম পাও ।

অন্ত সব নাম-মাহাত্ম্য সেই নামে পাও ॥

গৌরজন-সঙ্গ কর ‘গৌরাদ্ধ বলিয়া ।

‘হরে কৃষ্ণ’ নাম বল, নাচিয়া নাচিয়া ॥

যদি চাহ প্রণয় রাখিতে গৌরান্বয়ের সনে ।

ছোট হরিদাসের কথা থাকে ঘেন মনে ॥”

—‘প্রেমবিবর্ত’